

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

1. गृह मंत्री अमित शाह होरें अपने द'उं दिनें दे दौरे तैहत जम्मू च उपराज्यपाल मनोज सिन्हा ते होरनें आला अधिकारिएं कन्नै उच्चि सतह दी सुरक्षा बैठक लाई। शाह हुं'दा अज्ज पुंछ जाने दा कार्यक्रम ऐ।
2. उपमुख्यमंत्री सुरिंदर चौधरी होरें जीएमसी उधमपुर च जारी विकास कम्में दा निरीक्षण कीता। उ'नें कम्म तोड़ चाढ़ा करदी एजेसी गी निर्देश दित्ता जे ओह परियोजना गी औंदे जुलाई म्हीने तोहड़ी सबूरा करी देऐ।
3. जंगलात मंत्री जावेद राणा होरें पीर की गली दा दौरा लाइयै महत्वपूर्ण ढांचागत पैहलकदमिएं दा जायजा लैता। उ'नें हीरपोरा वाईल्ड लाईफ सेंचुरी दा बी निरीक्षण कीता।
4. मंत्री जावेद डार होरें स्कॉस्ट कश्मीर च विकसित कृषि संकल्प अभियान गी शुरू करोआया।
5. जम्मू-कश्मीर पुलसा दे अतिरिक्त महानिदेशक आलोक कुमार होरें जम्मू च सिविल डिफेंस, एसडीआरएफ दिएं तैयारिएं दा जायजा लैता।

<><><><><><>

HM Jammu Visit (Voice Cast)

गृह मंत्री अमित शाह होर आपरेशन सिंदूर दे बाद खित्ते दे दऊं दिनें दे दौरे पर न। श्री शाह होरें जं'दी संजां राजभवन च इक उच्चि सतह दी सुरक्षा जायजा बैठक लाई जेहदे च उपराज्यपाल मनोज सिन्हा, केन्द्री गृह मंत्रालय, फौज, नीम फौजी बलें, पुलस, खुफिया अजेसिएं ते सिविल प्रशासन दे आला अधिकारिएं हिस्सा लैता। शाह होर अज्ज पुंछ जाइयै पाकिस्तानी गोलाबारी दी मारै हेठ आए दे लोकें कन्नै मलाटी करगंन। इस सरबंघै च पेश ऐ एह खास रिपोर्ट

<><><><><><>

Dy CM Udhampur(byte)

उपमुख्यमंत्री सुरिन्दर चौधरी होरें कल उधमपुर दा दौरा लाइयै उत्थें पीडब्ल्यूडी आस्सेआ तोड़ चाढ़े जा'रदे गौरमेंट मैडिकल कालेज दे चला'रदे निर्माण कम्में दा जायजा लैता। अपने दौरे दरान उपमुख्यमंत्री होरें कम्म

तोड़ चाढ़ा'रदिएं अजेंसिएं गी कम्मं दी रफ्तार बधाने ते जुलाई 2025 दे तैह समें दे अंदर अंदर परियोजना दा कम्म मुक्कमल करने दे निदेश जारी कीते। एहदे शा पैहले उपमुख्यमंत्री होरें उधमपुर दे बगलामुखी मंदर च मत्था टेकेआ ते जम्मू कश्मीर दे लोकें दी सुख-शांति लेई प्रार्थना कीती। एहदे मगरा मीडिया कन्नै गल्ल करदे होई चौधरी होरें गृहमंत्री अमित शाह हुंदे जम्मू कश्मीर दे दौरे बारे गल्ल करदे होई आखेआ.....
बाईट

<><><><><><>

Rana

जंगलात ते पर्यावरण मंत्री जावेद अहमद राणा होरें कल शोपियां जिले दी पीर की गली दा दौरा लाया। इस दरान मंत्री होरें पीर की गली च सैलानिएं लेई बुनियादी ढांचे गी बधाने ते मुगल रोड दे कन्नै पर्यावरण संरक्षण गी बढ़ावा देने दे महत्व उप्पर जोर पाया। उनें गलाया जे विभाग पीर की गली च पर्यटकें लेई ट्रांजिट कैंप बनाग जेहदे च उनेंगी आरामदायक बसोने आली थाहर दी सुविधा थोई सकोग। यात्रुएं दी जरूरते गी पूरा करने लेई पर्यावरण दे स्हाबै हट बी बनाए जांगन। अपने दौरे दरान मंत्री होरें हिरपोरा वन्यजीव सैंचरी दा बी जायजा लैता।

<><><><><><>

Rana Surankote Visit

जल शक्ति मंत्री जावेद अहमद राणा होरें कल पुंछ जिले दे सुरनकोट च बफलियाज दी परनाई पन बिजली परियोजना दा जायजा लैता ते पानी दे स्रोतें सरबंधी प्रबंधन च मकामी समुदाय दे हितें गी प्राथमिकता देने दे महत्व उप्पर लोह पाई। मंत्री होरें गलाया जे जम्मू कश्मीर दे लोकें दा अपनेपानी दे संसाधने उप्पर पैहला हक्क ऐ ते उंदे हितें दी राखी करना लाजमी ऐ। परनाई पन बिजली परियोजना दी मजूदा स्थिति दा जायजा लैंदे होई मंत्री होरें कम्म तोड़ चाढ़ा'रदिएं अजेंसिएं गी समें उप्पर कम्म मुकम्मल करने दे निर्देश जारी कीते। परनाई परियोजना दे दुए गेड़ तैहत मेंढर दे बक्ख-बक्ख क्षेत्रें गी पर्याप्त तौरा उप्पर सिंचित बनाने, मकामी राई-बाई गी बढ़ावा देने ते लोकें दे जीवन स्तर च सुधार आहन्नने दी योजना बनाई गेदी ऐ।

<><><><><><>

Shabd

प्रसार भारती – प्रसारण ते प्रसार आस्तै सांझे ऑडियो-विजुअल, पीबी शब्द नै यूट्यूबर्स, पॉडकास्टर्स ते वीडियो संपादकें गी मुफ्त सेवा प्रदान करने दे मकसद कन्नै पंजीकरण करोआने लेई साद्दा दिता ऐ। पीबी शब्द कॉपीराइट-मुक्त, प्रमाणिक ते इस्तेमाल च सुरक्षित सामग्री आस्तै इक उत्कृष्ट जरिया ऐ। पीबी शब्द यूट्यूबर्स

ते क्रिएटर्स आस्तै बिजन कुसै भुगतान दे मुफ्त ते प्रमाणिक मीडिया समग्री प्रदान करदा ऐ। शब्द कश 1,500 थमां मते रिपोर्टर, संवाददाता ते स्ट्रिंगर्स दा इक मजबूत नेटवर्क ऐ।

<><><><><><>

Dar Viksit Krishi(byte)

जम्मू कश्मीर च विकसित कृषि सैह्योग अभियान दे शुभारंभ दे मौके उपपर कल स्कास्ट कश्मीर दे कनवेंक्शन सेंटर च उद्घाटन समारोह दा आयोजन कीता गेआ जेह्दे च राई—बाई मंत्री जावेद अहमद डार होरें कार्यक्रम दी अध्यक्षता कीती। 15 दिन चलने आले इस अभियान दा उद्देश्य करसानें गी प्रमुख आड़ी फसलें लेई आधुनिक क्षेत्र विशेष प्रौद्योगिकिएं बारे जानकार करना, प्रमुख सरकारी नीतिएं बारे जागरूक करना ते फसल राहने ते हैलें दे इस्तेमाल लेई सॉयल हैल्थ कार्ड दे उपयोग बारे जानकार करना हा। लोकें दे किट्ट गी संबोधत करदे होई मंत्री होरें करसानें गी राई—बाई सरबंधी विज्ञानकें कन्नै जुड़ने लेई गलाया।

<><><><><><>

Udh – Viksit Krishi (byte)

भारत सरकार दी बशेश पैहलकदमी – विकसित कृषि संकल्प अभियान उधमपुर जिले च बी रम्भेआ गेआ ऐ। इस सरबंधै च चनैनी, डुडु ते चनुन्ता ब्लाकें दे 9वें ग्राएं च करसानें लेई जागरूकता कैपें दा आयोजन कीता गेआ। इस किस्मै दे कार्यक्रमें दा आयोजन सभ्मन 17एं ब्लाकें च कुल 135 थाहरें पर कीता जाह्ग। कृषि विकास केन्द्र थमां साईसदानें ते होरनं सरबंधत अधिकारिएं आसेआ करसानें गी राई—बाई दे खेत्तर च अपनाई जा करदी नमिएं काह्डें ते तकनीकें बारै जानकारी दित्ती गई। एह्दे अलावा करसानें गी जैविक खेती ते मिट्टी दी नरोई सेहतू बारै बी जागरूक बनाया गेआ। इस सरबंधै च साढ़े संवाददाता कन्नै गल्ल करदे होई उधमपुर दे मुख् कृषि अधिकारी हरबंस सिंह होरें आखेआ

<><><><><><>

SDRF

जम्मू कश्मीर पुलस दे अतिरिक्त महानिदेशक अलोक कुमार होरें कमांडेंट जनरल होमगार्ड सिविल डिफेंस ते एसडीआरएफ दा अतिरिक्त प्रभार संभालने मगरा कल जम्मू दे अपने पैहले दौरें दरान अपने दफ्तरा च इक जायजा बैठक दी प्रधानता कीतीं बैठक च सीडी उपकरणें दी मजूदा स्थिति ते कमिएं बारे चर्चा कीती गई ते सब्बने सरबंधत धड़ेंग ी कुसा बी कुदरती ते मनुखी गतिविधिएं कन्नै होने आली आपदाएं दा नबेड़ा करने लेई म्हेशां तैआर रौहने दे दे निर्देश बी दित्ते गे। इस दरान एनडीआरएफ, नागरिकें दी सुरक्षा

सरबंधी स्वयं सेवी विलेज होमगार्ड स्वयं सेवी ते अग्न साहलने आले विभाग बश्कार आपसी तालमेल बनाइयै कम्म करने दी जरूरता पर बी जोर दित्ता गेआ।

<><><><><><>

Ramban NRLM (byte)

राश्ट्री ग्रामीण आजीविका मिशन – एनआरएलएम दे तैहत रामबन जिले च बक्ख–बक्ख ग्राएं ते समुदायें लेई इक कलस्टर समूह खडेरेया जा’रदा ऐ। एह्दा मुख मकसद, उदमिता ते कौशल विकास गी बढ़ावा दिं’दे होई ग्रामीण आजीविका गी तगड़ा बनाने गितै रणनीति तैयार करना ऐ। एह् समूह, ग्रामीण महिलाएं खासकरियै दूर–दरेडे इलाकें च रौहने आहली महिलाएं गी आप सहायता समूहें कन्नै जोड़ियै उं’दे जीवन च सुधार बी आहन्नोग ते रोजी–रूट्टी कमानें दे मौकें च बी बाददा करोग। पेश ऐ साढ़े रामबन जिला संवाददाता दी एह रिपोर्ट बाईट

<><><><><><>